



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Diplomatvm Belgicorvm Libri Dvo

Le Mire, Aubert

Brvxellis, 1627

43. Lambertus Episcopus Atrebatensis an. 1097. confirmat foundationem & dotationem Abbatiae Montis S. Eligij, in qua Canonicos regulares Lietbertus Episcopus circa ann. 1066. collocarat, amotis ...

**urn:nbn:de:hbz:466:1-10903**

dam situm. Ticiuinnum nuncupatur in Diuisione regni Lothariensis anno 870. facta, quæ in nostro Codice donationum cap. 20. existat.

## C A P V T X L I I I.

*Lambertus Episcopus Atrebatensis foundationem & dotationem  
Abbatia Montis S. Eligij, qua est Canoniorum regu-  
larium, anno 1097. confirmat.*

**I**N nomine Patris, & Filij, & Spiritus sancti, vnus, veri & summi Dei, amen. LANTBERTVS, Dei miseratione Atrebatensis Episcopus, suis successoribus præsentis vitæ lætitiâ, & futuræ gloriâ.

Legimus in gestis Atrebatensis Cameracensisque Ecclesiæ, dominum Fulbertum earundem urbium Episcopum, corpus B. Vindiciani de terra eleuasse, eoque in loco, qui Mons videlicet S. Eligij dicitur, ecclesiâ, priore destructa, reedificasse, de titulo Apostolorum Petri & Pauli, vbi clericos VIII. & stipendia, vnde viuerent, constituit, & eos hac libertate donauit, vt nullius potestati subiacerent, nisi solius Episcopi.

Post mortem verò eius, cœperunt diuim à seruitute Dei teperè, ecclesiæque, vsque ad tempus domini Lietberti Episcopi, declinare. Quam destructionem ipse vir misericordiæ ægrè ferens, vt ita dicam, alter Samaritanus, eius miseræ condoluit, ac secum tractare, quomodo id in melius repararetur, cœpit.

Cui consilium, tali negotio congruum, ille ministravit, qui hoc velle cordi eius infudit. Nam ibi clericos regulares, de communi viuentes, suorum consilio fidelium, ordinauit, eisque Abbatem suæ professionis præfecit.

Vnde factò priuilegio suos precatus est successores, vt eos prouerherent, & fierent adiutores. Libertatem quoque ecclesiæ ac possessionum suarum denuo confirmauit, & altare de *Huchin* ea conditione ibi dedit, vt singulis annis, in festiuitate S. Remigij, XII. denarios soluat, & deinceps ab omni redemptione liberum faciat. Altare quoque de *Rodricourt* ita dedit, vt sine Persona permaneat.

Dominus quoque Gerardus prædecessor meus, successor suus, in

M

Nouilla

Nouilla & Medianavilla, sine personis, dedit altaria, saluo iure Episcopi & redditus eius, & consuetudinibus Archidiaconi eius.

Hæc omnia ego Lambertus, Dei miseratione Atrebatensis Episcopus, tibi reuerendissime frater & fili Ioannes Abba, omnibusque in eo, quo es, loco & ordine, propter religionem tuam successoribus tuis, religiose & communiter victuris, sicut superius determinatum est, firma & inconuulsa permanere concedo.

Concedimus etiam suo in tempore, cum opus fuerit, inibi Canonicis religiose & absque proprietate uiuentibus, cum consilio & auctoritate Atrebatensis Episcopi, licentiam eligendi, iuxta timorem Dei, & sacros Canones, Magistrum & Abbatem.

Quod si huiusmodi officij idonea persona ibi inuenta non fuerit, assensu Episcopi sui & consensu, eligant de alio monasterio virum religiosum, ordinis & professionis suæ, in Magistrum & Abbatem sibi præficiendum. Post hæc verò deducatur ad Episcopum, & suscipiat de manu eius temporale beneficium loci, & curam animarum, & Abbatis benedictionem.

Hisque beneficijs altare de Rebrouis, precatu domini Clareboldi militis, adinngo; ita vt duos tantummodo solidos, in Cœna Domini, ad seruitium Episcopi, persoluat, de cetero totum redigatur sub Abbatis dominio. Huius rei testes,

Dominus Ioannes Archidiaconus,  
 Dominus Clareboldus Archidiaconus,  
 Odo Præpositus,  
 Wibertus Decanus,

Fratresque ceteri totius congregationis S. Mariæ semper Virginis.

Dominus igitur Clareboldus, huius rei hortator, nullum alium penitus heredem facere volens, quàm ecclesiam Rebrouiensem, totam, quam in vicinia habet hereditatem, ibi dedit; ita vt ipse supradictus Abbas, ad honorem Dei & S. Mariæ semper Virginis, ipsum locum per clericos suos detineret, & prout res exterior augetur, seruitium Dei intus cresceret.

Dedit videlicet in *Barasto* integrum molendinum, & vnus caruæ terram, & quinque hospites, & in *Dabellicurt* quartam partem, & siluam ibi attinentem. Huius rei testes ærum duo Archidiaconi,

Ioannes

Ioannes videlicet & *Clareboldus*, & totus ecclesie Atrebatensis  
 conuentus, dominusque Aloldus Abbas S. Vedasti,  
 Philippus, frater Comitum Roberti,  
 Clementia Comitissa Flandrensis,  
 Robertus Aduocatus,  
 Baldricus in Colhem,  
 Frumoldus de Insula.

Hoc igitur datum, & si quis aliud legitimè dederit, qui vsurpare  
 præsumpsit, & in prauos vsus redigere tentauerit, canonice ex-  
 communicationi subiaceat.

Ego LANTBERTVS, Dei miseratione Episcopus Atrebatensis, hoc  
 libertatis donatium relegi, subscripsi, & in nomine Patris, & Filij,  
 & Spiritus sancti, propria manu confirmaui.

Actum Atrebatum in Synodo, in basilica B. Mariæ semper Virgi-  
 nis, Domine nostræ, anno videlicet Dei Christi M. XCVII. Indi- 1097.  
 ctione V. XII. Kal. Nouembris.

## NOTATIONES.

MONS S. Eligij distat altero lapide ab Atrebato, Artesiæ metropo-  
 li. Canonicos regulares eo in loco idem Lietbertus Episcopus, qui  
 & Cameraci in cœnobio S. Auberti, collocauit: vt supra cap. 36.  
 docui.

Vtriusque porrò cœnobij sodales veste violacea vtuntur: quod  
 illis inter Belgicæ nostræ Canonicos regulares est proprium ac pe-  
 culiare.

NOVILLA) *Noeuille vicus.*

MEDIANA-VILLA) *Moyenville vicus.*

ALTARE de Rebrouijs) est hodie Prioratus seu cella, *Rebrenus*  
 vulgò nuncupata.

M 2

CAPVT